

PEMBERITAHU PERTANYAAN DEWAN RAKYAT

PERTANYAAN : LISAN

**DARIPADA : Y.B. PUAN HAJAH NORMALA BINTI
ABDUL SAMAD [PASIR GUDANG]**

TARIKH : 24.11.2014

SOALAN :

Puan Hajah Normala binti Abdul Samad [Pasir Gudang] minta **MENTERI PENDIDIKAN** menyatakan adakah pihak Kementerian membuat penyelarasan struktur pembelajaran bagi pendidikan awal kanak-kanak yang melibatkan taska/tadika kendalian kerajaan mahupun swasta.

JAWAPAN

Tuan Yang di-Pertua,

Penyelarasan struktur pembelajaran bagi pendidikan awal kanak-kanak yang melibatkan taska/tadika kendalian kerajaan mahupun swasta yang dilaksanakan oleh Kementerian Pendidikan Malaysia (KPM) adalah berdasarkan prinsip-prinsip asas Dasar Pendidikan Prasekolah seperti berikut :

- i. KPM mewajibkan semua institusi prasekolah menggunakan Kurikulum Standard Prasekolah Kebangsaan (KSPK).
- ii. KPM mewajibkan aspek-aspek berikut dilaksanakan :

- a. Kelas Prasekolah yang dianjurkan oleh agensi kerajaan hendaklah diselaraskan oleh KPM.
 - b. Guru yang mempunyai kelulusan ikhtisas dalam bidang prasekolah dan bidang Pendidikan Awal Kanak-Kanak.
 - c. Kemudahan fizikal dan peralatan prasekolah yang berkualiti disediakan.
 - d. Satu mekanisme naziran dan penyeliaan diwujudkan.
 - e. Menyediakan kemudahan pendidikan prasekolah kepada kanak-kanak berkeperluan khas.
 - f. Mewujudkan satu sistem kawal selia dan penguatkuasaan.
 - g. Kerajaan juga memastikan semua institusi pendidikan prasekolah mematuhi Bab 2 Pendidikan Prasekolah, Akta Pendidikan 1996 (Akta 550) Peraturan-peraturan Pendidikan Prasekolah 1996 (Akta 550) seperti yang diperuntukkan.
- iii. Kerajaan menyediakan kemudahan pendidikan prasekolah kepada kanak-kanak yang berumur antara empat hingga enam tahun, serta menyediakan grant permulaan bagi penubuhan tadika swasta.

**PEMBERITAHUAN PERTANYAAN
DEWAN RAKYAT, MALAYSIA**

PERTANYAAN : LISAN

TARIKH : 24 NOVEMBER 2014
[ISNIN]

DARIPADA : Y.B. PUAN NURUL IZZAH BINTI ANWAR
[LEMBAH PANTAI]

SOALAN :-

**PUAN NURUL IZZAH BINTI ANWAR [LEMBAH PANTAI] minta
MENTERI KESEJAHTERAAN BANDAR, PERUMAHAN DAN
KERAJAAN TEMPATAN menyatakan :-**

(a) jumlah warga miskin kota tidak berumah serta jumlah mereka yang pernah ditahan dari tahun 2004; dan

(b) apakah usaha-usaha Kerajaan untuk menaikkan taraf hidup golongan warga miskin kota tidak berumah bagi memastikan mereka dapat menyumbang ke arah pembangunan ekonomi negara.

JAWAPAN :-

Tuan Yang di-Pertua,

- (a) Untuk makluman Ahli Yang Berhormat, Program Pembasmian Kemiskinan Bandar (PPKB) yang dilaksanakan oleh KPKT adalah untuk membantu golongan miskin dan berpendapatan rendah untuk meningkatkan kualiti hidup dan meningkatkan pendapatan bagi menghadapi kenaikan kos sara hidup di bandar. Bantuan yang diberikan adalah seperti **bantuan sewa rumah, bantuan latihan kemahiran dan keusahawanan, bantuan kios penjaja bergerak, bantuan 'food basket' melalui Program Titipan Kasih dan Bantuan Skim**. Sehingga **November 2014**, jumlah warga miskin bandar yang didaftarkan di dalam sistem eKasih adalah sebanyak 102,404 orang. Kementerian tidak mempunyai bidang kuasa untuk menahan mana-mana warga miskin bandar.
- (b) Kerajaan sememangnya sedar dan sentiasa mengambil berat mengenai keperluan perumahan sebagai satu keperluan asas untuk

semua golongan rakyat terutamanya di kawasan bandar. Untuk itu, Kementerian telah melaksanakan pembangunan projek Program Perumahan Rakyat (PPR) di seluruh negara bagi memenuhi keperluan perumahan rakyat yang berpendapatan isi rumah kurang dari RM2,500 sebulan.

Kementerian Kesejahteraan Bandar,
Perumahan dan Kerajaan Tempatan

November 2014